



রশীদ জামীল

বেদিনগু
কেব্যন্ত
চূল





সেদিনও বসন্ত ছিল
রশীদ জামীল

କାମୋଟ୍ଟର ପ୍ରକାଶନୀ



দ্বিতীয় সংস্করণ : সেপ্টেম্বর ২০২১
প্রথম প্রকাশ : একুশে গ্রন্থমেলা ২০১০

© : লেখক

মূল্য : ৮ ১৮০, US \$ 10, UK £ 7

প্রচ্ছদ : মীম সার্বিজে

প্রকাশক
কালন্টর প্রকাশনী
বশির কমপ্লেক্স, ২য় তলা, বন্দরবাজার
সিলেট। ০১৭১১ ৯৮৪৮২১

ঢাকা বিক্রয়কেন্দ্র
ইসলামী টাওয়ার, ১ম তলা
বাংলাবাজার, ঢাকা
০১৩১২ ১০ ৩৫ ৯০

অনলাইন পরিবেশক
রকমারি, রেনেসাঁ, ওয়াফি লাইফ

মুদ্রণ : বোখারা মিডিয়া
bokharasyl@gmail.com

ISBN : 978 984 92095 0 8

Sedino Bosonto Chilo
by **Rashid Jamil**

Published by
Kalantor Prokashoni
+88 01711 984821
kalantorprokashoni10@gmail.com
facebook.com/kalantorprokashoni
www.kalantorprokashoni.com

All Rights Reserved

No part of this publication may be reproduced, distributed, or transmitted in any form or by any means without the prior written permission of the publisher, except in the case of brief quotations embodied in critical reviews and certain other noncommercial uses permitted by copyright law.



উৎসর্গ

দিবা

আমার মাকে যে ‘মা’ ডাকার অধিকার পেয়েছে। যার আবেগের সঙ্গে
বিবেকের দুন্দু লেগে থাকে হরহামেশা। কখনো জয়ী হয় আবেগ,
কখনো বিবেক। আমি দূরে বসে দেখি। দেখতে মন্দ লাগে না।

মিসবাহ

আমার ইমিডিয়েট অনুজ। শক্ত করে একটা ধর্মক দিলেই কেঁদে
ফেলার কৃতিত্ব দেখাতে পারে। কিন্তু পরিস্থিতি স্বাভাবিক হয়ে এলে
মহা উৎসাহে আবারও সেই কর্মটির দিকে নজর দেয়, যে জন্য ধর্মক
দেওয়া হয়েছিল।

এদের উভয়ের মধ্যে যেসব ইস্যুতে সব সময় সংঘাতের সম্ভাবনা
তৈরি হয়, তার অন্যতম হলো, তরকারি ঠাণ্ডা-গরম সমস্যা। প্রার্থনা
করি, তরকারি যেন আজীবন গরমই থাকে।





প্রকাশকের কথা

সোদিনও বসন্ত ছিল বইটি উপন্যাস। পড়লে ভালো লাগবে। ফাঁকে ফাঁকে গুরুত্বপূর্ণ অনেক কিছু জানাও যাবে। প্রথম প্রকাশ ছিল ২০১০। এর পর আর ছাপা হয়নি; কোথাও পাওয়া যেত না। কিন্তু বইটি পড়তে উদ্ঘীব ছিলেন অনেকেই। পুনরায় প্রকাশের জন্য কয়েক বছর ধরে অনেকে বিভিন্নভাবে অনুরোধ করছিলেন। লেখকের তরে অনুরোধগুলো পৌঁছে দিই। প্রকাশে সম্মতি দেন। নিজেও আরেকবার ঘষামাজা করে দেন। আমরাও নির্ভুল রাখার আপ্রাণ চেষ্টা করেছি।

তাহলে এবার শুরু হোক বইয়ের পাঠ...

আবুল কালাম আজাদ
১ জুলাই ২০২১





ভূমিকা

২০১০ খ্রিষ্টাব্দ। তখন ব্লগে লিখতাম। প্রথম আলো ব্লগ ছিল আমাদের অনলাইন-লেখালেখির ঠিকানা। একবাঁক লেখকের আড়তস্থল ছিল ব্লগপাড়া। আমি লিখতাম আমার মতো। আমার মতো মানে যা খুশি আর যেমন খুশি। বধূরা উপন্যাস লিখতে জেঁকে ধরল; আমি উপন্যাস লিখলে ভালো কিছু হবে। তাদের ধারণা ভুল প্রমাণ করতে আমার প্রথম প্রয়াস সেদিনও বসন্ত ছিল।

ঠিক ১১ বছর পর ২০২১ খ্রিষ্টাব্দে কালান্তর প্রকাশনী উপন্যাসটি নতুন করে প্রকাশ করছে। কালান্তরের প্রতি কৃতজ্ঞতা।

রশীদ জামীল

২০ জুন, ২০২১



সেদিনও
বসন্ত
ছিল

রশীদ জামীল





বুড়িগঙ্গার ঠিক মধ্যখানে খোলা নৌকায় দাঁড়িয়ে আছে কম্পাস। হাতে পাসপোর্ট। আমেরিকাগামী ফ্লাইটের রিকনফার্ম করা টিকেট। সকাল ১০টায় কম্পাসের ফ্লাইট। ৯ : ৩৭ বাজে। তাহলে কম্পাস এখানে কেন?

আবার কেমন জানি অ্যাবনরমাল মনে হচ্ছে তাকে। উশকোখুশকো চুল, পরনে মলিন কাপড়, উদাস চেহারা। পা দুটি কাঁপছে। দু-চোখ দিয়ে গড়িয়ে পড়ছে পানি। তাকিয়ে আছে আকাশের দিকে। ভাব দেখে মনে হচ্ছে, যেকোনো মুহূর্তে পাসপোর্ট-ভিসা নদীতে ফেলে দিতে পারে। নিজেও বাঁপ দিয়ে দেয় কি না কে জানে!

কম্পাসের বন্ধু নোমান হিসাব মেলাতে পারছে না। কম্পাস এমন এক ক্যারেষ্টার, যে কিনা কোনো কারণ ছাড়াই একনাগাড়ে ঘণ্টার পর ঘণ্টা হাসতে পারে। জিজ্ঞেস করলে বলে, ‘আরে ব্যাটা! জীবন আর কদিনের রে? যখন যা হওয়ার, তা তো হবেই। অথবা এ নিয়ে মাথা ঘামিয়ে টেনশন বাড়িয়ে লাভ কী?’

নোমানের ধারণা, কেউ যদি হঠাৎ এসে কম্পাসকে খবর দেয়, ‘এই কিছুক্ষণ আগে রোড অ্যাক্সিডেন্ট করে তোমার বাবা দুটি পা-ই ভেঙে ফেলেছেন! তিনি এখন পঙ্গু হাসপাতালের...’ তাহলে কথা শেষ করতে না দিয়েই সে বলবে, ‘ও আচ্ছা, তাই নাকি? তারপর দোষ্ট, তোর কী খবর বল। আজকাল তোকে দেখাই যায় না, ব্যাপার কী রে?’

এই হলো কম্পাস। সমস্যা ও দুর্শিতা, এ দুটি শব্দের সঙ্গে যার কোনোই সম্পর্ক নেই। এ ব্যাপারে তার নিজস্ব বক্তব্যও আছে, যার সারসংক্ষেপ হলো,

‘মানুষ তখনই দুর্শিতা করে, যখন সে কোনো সমস্যায় পড়ে। সমস্যার সমাধান খুঁজে বের করার জন্য দুর্শিতা শুরু করে। ফলে ব্রেইনের ওপর চাপ সৃষ্টি হয়। মন্তিক্ষে গোবলেট পাকিয়ে ফেলে। তাই ব্রেইন ফ্রি থাকে না। তখন ওই মন্তিক্ষে

দ্বারা স্বচ্ছভাবে চিন্তাও করতে পারে না। এ জন্য যেকোনো সমস্যা সমাধানের প্রথম শর্ত হলো, সমস্যা নিয়ে দুশ্চিন্তা না করা। তাহলে মস্তিষ্ক চাপমুক্ত অবস্থায় ফ্রেশ থেকে সমাধানের পথ খুঁজে বের করতে চেষ্টা করবে।’

সমস্যার সৃষ্টি হলে দুশ্চিন্তাকে তো আর দাওয়াত করে আনতে হয় না। এমনি এমনিই চলে আসে। তাহলে দুশ্চিন্তা ব্যাপারটি দূরে রাখা যাবে কেমন করে—এ ব্যাপারেও বেশ জোরালো যুক্তি রয়েছে কম্পাসের ঝুলিতে। তার ভাষায়,

‘সমস্যা বিভিন্ন রকমের হতে পারে। সমস্যা ডিন ভিন্ন অ্যাঙ্গেল থেকে আসতে পারে। তবে সমস্যা যা-ই আসুক এবং যেভাবেই আসুক, তার সবচেয়ে খারাপ পরিণতির জন্য মানসিক প্রস্তুতি সেরে নিন। Be Prepear for worst situation। দেখবেন, সমস্যা আপনার ভেতর কোনো দুশ্চিন্তার জন্ম দিতে পারছে না।

আপনি অসুস্থ হয়েছেন? সেটাও একটা সমস্যা। এই সমস্যা নিয়েও আপনার দুশ্চিন্তা হবে। এবাবে আপনি একটি কাজ করতে পারেন। অসুস্থতার চূড়ান্ত পরিণতি মৃত্যুর জন্য তৈরি হয়ে যান। মনে মনে ভাবুন, মরেই গেলাম। মৃত্যুই যদি কপালে লেখা থাকে, তাহলে সেটা তো আমি মুছে ফেলতে পারব না। তাহলে খামাখা চিন্তা করার দরকার কী? দেখবেন, অসুস্থতা নিয়ে আপনার ভেতর কোনো দুশ্চিন্তা কাজ করছে না।

অতএব, হাসুন মন খোলে। হাসি আবার হার্টের জন্যও উপকারী।’

এই হলো কম্পাস। সদা হাস্যজ্ঞল এক তরুণ। কম্পাস ও নোমান খুবই কাছের বন্ধু। একই প্রতিষ্ঠানে তারা চাকরি করত। সেই থেকে সম্পর্ক, যা ধীরে ধীরে বন্ধুত্বে রূপ নেয়। সেই বন্ধুত্ব এমন পর্যায়ে গিয়ে পৌঁছে যে, তাদের উভয়ের মধ্যে প্রাইভেসি নামক কোনো দেয়াল থাকেনি। একজন অন্যজনের ঢোকার দিকে তাকিয়েই পেটের ভেতরের কথা বুঝে নিতে পারে। অথচ আজ...

আজ নোমান বোকার মতো দাঁড়িয়ে আছে বুড়িগঙ্গার পাড়ে। বিরত ভঙ্গিতে তাকিয়ে আছে নদীর মধ্যখানে পাসপোর্ট হাতে দাঁড়িয়ে থাকা কম্পাসের দিকে। কিছুই বুঝতে পারছে না। সিদ্ধান্ত নিতে পারছে না সে এখন কী করবে; সে কি আরেকটি নৌকা নিয়ে চলে যাবে তার কাছে? কাছে গিয়ে কাঁধে হাত রেখে বলবে, ‘কী হয়েছে দোষ্ট? তুই এখন এখানে এই অবস্থায় কেন? আমাকে বল। আমি সবকিছু ঠিক করে দেবো।’

এরই মধ্যে হঠাৎ...

পাঠক, এর পরের ঘটনা জানতে হলে কম্পাসের জীবনের গল্প জানতে হবে।
সময় ও ধৈর্য থাকলে চলুন আমার সঙ্গে, কম্পাসের জীবনের গল্পে প্রবেশ করি।
অবশ্য কারও যদি এত ধৈর্য না থাকে, তাহলেও সমস্যা নেই। শর্টকাট একটি
বৃদ্ধি বাতলে দিছি। ডট (...) চিহ্নগুলোর পরে ধাক্কা মেরে কম্পাসকে বৃড়িগঙ্গায়
ফেলে দিন। মনকে একটু শক্ত করতে পারলে ওকে পানিতে ডুবিয়ে মেরে ফেলুন।
খেল খতম, কাহিনি শেষ।





কম্পাস, ২৪ চুঁইচুঁই টগবগে তরুণ। তাৰণ্যেৰ দীপি ছড়াছে তাৰ অবয়বে; অথচ
একটু ভালোভাবে লক্ষ কৱলে দেখা যাবে কৈশোৱিক চাঞ্চল্যেৰ দুৰন্ত আভা
এখনো বিদায় নেয়ানি তাৰ থেকে।

কম্পাসেৰ জন্ম হয় হাসপাতালে। হাসপাতাল-ক্লিনিকেৰ ওপৰ খুব একটা ভৱসা
নেই কম্পাসেৰ বাবা আমানুল্লাহ কবিৱেৰ। কিন্তু স্ত্ৰীৰ ব্যথাতুৱ মুখেৰ দিকে
তাকিয়ে এবং বিকল্প পথ খুঁজে না পেয়ে স্ত্ৰীকে অনিছাসত্ত্বেও ভৱিত কৱলেন একটি
বেসৱকাৰি ক্লিনিকে। বেসৱকাৰি এই ক্লিনিকটিৰ নাম ‘মানবসেবা ক্লিনিক’।
হাসপাতালেৰ মতো সারি সারি কৱে বেড় পাতা। অল্লবয়সি নাক উঁচু স্বভাবেৰ
নাৰ্স মেয়েৱা সাদা অ্যাপ্রোন পৱে ব্যস্ত ভঙ্গিতে ছোটাছুটি কৱছে। রিসিপশনে
বসে আছে ২৬/২৭ বছৰেৰ এক মেয়ে। কেউ তাৰ সামনে গিয়ে দাঁড়াতেই সে
বলছে, ‘হাই স্যার! হাউ ক্যান আই হেল্প ইউ?’ তাৰ ইংলিশ প্ৰনাউন্সিয়েশনেৰ
দুৱবস্থা দেখেই বোঝা যায়, বাক্যটি মুখস্থ কৱতে তাৰ কম কৱে হলেও তিনি
সপ্তাহ লেগেছে!

আমানুল্লাহৰ ধাৰণা, দুয়েকটি ব্যতিক্ৰম ছাড়া এ দেশেৰ সৱকাৰি-বেসৱকাৰি
সব হাসপাতাল/ক্লিনিকেৰ স্বাস্থ্যসেবাৰ মান ভয়াবহ পৰ্যায়েৰ। জীবনে তিনি
অনেক কঠিন বাস্তবতাৰ মুখোমুখি হয়েছেন। চিকিৎসা ও চিকিৎসক-সংক্রান্ত যে
তিক্ত অভিজ্ঞতাৰ কথা তাৰ পেটে জৰা হয়ে রয়েছে, সেগুলো তিনি ফলাও কৱে
প্ৰকাশও কৱতে পাৱছেন না। এৱ কাৰণ, খুব পয়সাওয়ালা না হওয়ায় কেউ
তাকে সামাজিক কোনো অনুষ্ঠানেৰ প্ৰধান অতিথি হওয়াৰ আমন্ত্ৰণ জানায় না,
যেখনে তিনি কথাগুলো বলতে পাৱতেন। বিকল্প হলো ‘কলাম’ আকাৰে লিখে
কোনো জাতীয় বা স্থানীয় পত্ৰিকায় পাঠিয়ে দেওয়া নতুবা বই আকাৰে প্ৰকাশ
কৰা। এটাও সন্তু হচ্ছে না। প্ৰথমত দেশেৰ ট্ৰ্যাডিশন অনুযায়ী বড় পত্ৰিকাগুলো
লেখাৰ ওজনেৰ চেয়ে লেখকেৰ ওজনকেই বেশি গুৱুত্ব দেয়। আৱ তিনি ওজনদাৰ
কেউ নন। নামেৰ পেছনে ব্যবহাৰ কৱাৰ মতো তেমন কোনো ডিগ্ৰি নেই তাৰ।